



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus II. Qualis debeat esse contradictio Rei?

[urn:nbn:de:hbz:466:1-73001](#)

ARTICULUS. II.

*Qualis debeat esse contradictione
Rei?*

603. Cum n. 595. dixerimus, litis contestationem induci per petitionem Actoris, & Rei responsionem contradictionem, prout etiam colligitur ex L. Rem novam. 14. §. Patroni autem, C. de judic. ibi: cum lis fuerit contestata post narrationem propositam, & contradictionem objectam: quæstio est, an ad inducendam litis contestationem sufficiat quæcumque responso negativa Rei, seu contradictione? Ante resolut. not. 1. litis contestationem, seu exordium, non induci petitione Actoris, & Rei responsione nisi facta in iudicio; sic Hostiensis in c. unic. h. t. & constat ex ipso textu, ibi: cum non per positiones, & responsiones, sed per petitionem in jure propositam, & responsionem fecutam, contestatio litis fiat.

604. Not. 2. litis contestationem re ipsa non induci etiam petitione Actoris in jure proposita, & Rei responsione, nisi in utroque ad sit animus litigandi, hoc est, animus seu consensus in Actor probandi proposita, & narrata; ac in Reo se defendendi coram Judice competente adversus illa; quamvis enim non requiratur, ut ambo id expresse in iudicio dicant; ex ipsa tamen Actoris petitione, & Rei responsione contradictione petitioni, merito presumitur; tum quia in dubio non presumitur Actor alterum in jus vocare, & Reus sine voluntate se tuendi adversus Adversarium comparere; tum quia nemo presumitur dixisse, quod mente non conceperit.

605. Si autem Reus, in jus vocatus, compareat coram Judice cum expressa protestatione, se non adesse animo Adversario respondendi, sed Judicis reverentiâ, ne videatur illum contempnere, vel solum informandi Judicem de sua mente, v. g. se exemptum ab ejus foro, vel ratione personæ, vel ratione rei, documentis etiam exhibitis; aut etiam de iniuitate Actoris, &c. non videtur induci litis contestatio; quia Reus tali casu nihil

respondet Actori, & re ipsa abest animus cum eo litigandi; unde, quamvis dicatur, protestationem actui contrariam, nihil operari; hoc tamen, esto detur, in praesenti non habet locum; nam respondere Judici, præcisè informando eum de iniuitate Actoris; aut exhibere illi suam praesentiam, ne contemni videatur à citato, allegando exceptionem declinatoriam fori, non est contrarium protestationi, quâ quis dicit, se comparere, non ut respondeat Actori, sed ut ea agat, quæ solius decentia sunt; aut juris eximentis à responsione ad narrata, & petita.

Volunt aliqui, non obstante tali protestatione, Reum contestari item, si Judex prius jussit item contestari; ita Pirhing. h. t. n. 6. §. excipe primò, dans rationem, quia tunc versamur in casu necessario, quo protestatio non relevat. Hæc tamen exceptio non videtur sic indefinitè posse admitti quoad prædicta. 1. Si Reus opponat exceptionem fori declinatoriam; 2. si Reus ab alio Judice competente preventus est; & hoc solum titulo, cum protestatione, vel per seipsum, vel per Procuratorem respondeat Judici, eum super hoc ipso informando, &c. Aliud est, si Reus, post illam protestationem, ex intervallo responderet Actori, nullà protestatione factâ; quibus positis, ad quæstionem initio propositam:

Dubitatur. 1. an Reus censeatur item contestari hac contradictione generali: nego narrata, prout narrantur; & petita deberi, prout petuntur; 2. an istâ, si Reus diceret Actori: mentiris; 3. an hac, nec scio esse, quæ narrantur, & petuntur; nec credo esse vera? Ad. 1. censent aliqui non sufficere; quod contestatio litis exigat responsionem Rei, quâ constet, quæ tanquam vera admittat? quæ tanquam falsa neget? quo fit, ut nec Actori constet, quid sibi probandum sit? & Judex incertus maneat, in quoniam puncto controversia versetur? hæc resolutio videtur procedere, quando talis responsio jure municipali, vel locorum statutis exigitur; cœterum de se omnia sufficiens videtur, cum revera jam contineat contradictionem, ex qua merito presumti possit animus litigandi, & responsio magis distincta reservari possit positionibus.

Ad.

608. Ad. 2. Resp. videri probabilius, etiam eo casu adesse sufficientem contradictionem, quâ litis contestatio constitutatur; nam per illud verbum *mentiris*, quod Reus Actori objicit, si Actoris petitio simplex sit? sufficienter negatur; si complexa? stat pro contradictione generali, quam secluso jure locorum speciali, sufficientem diximus *n. praeced.* cum ex eo ipso etiam merito presumatur animus litigandi in Reo afferente, mendacium esse narratum, & petitum, prælertim, cum plerumque per tale verbum falsi arguitur alter, cui, quod mentiatur, oponitur. Ad. 3. videtur dicendum negative, quod tali responso nihil Actoti negetur de his, quæ in libello narrat, & petit; quia dicens non scio esse vera, solum negat se habere illorum notitiam; & non credo; solum negat, se dictis dare assentum, quorum neutro contradicit. Quia tamen eorum verborum sensus esse potest: quod Reus neget esse vera, donec probentur; & id faciat animo probationibus ejus adversandi, si quas afferre voluerit; talis responsio sufficiens censi potest ad contestandam litem; secluso jure fundato in ulo, & consuetudine locorum; sic Barbara in *dict. c. unic. n. 3.* & alii.

609. Cœterum, ut contestatio litis censeatur *adequata*, necessaria est responsio ad singula puncta, quæ continet libellus *complexus*, hoc est, constans pluribus positionibus, seu articulis, & plurium petitione, vel etiam petitione unius, sed ex pluribus causis. Nam, si datur solum responsio, quâ negetur unum ex propositis, non negatis, nec etiam concessis reliquis, contestatio litis erit solum *inadequata*, & solum quoad hoc punctum haberet effectus, quos parit contestatio litis; quamvis Jūdex non procederet, donec ad omnia responderetur.

ARTICULUS III.

An litis contestatio pertineat ad substantiam judicii?

610. **V**lendetur affirmandum. 1. ex *c. unico h. t. à nobis relato supr. n. 596. ibi: quia tamen litis contestationem non invenimus esse factam (cum non per positiones, &*

responsiones ad eas, sed per petitionem in jure propositam, & responsum secutam, contestatio litis fiat) processum ipsorum de Fratrum nostrorum consilio irritum duximus nuntiandum; ex quo communiter deducunt Authores id procedere in iudicio ordinariō; cum decisio hujus capituli expressè agat de casu dicti iudicij, ut colligi potest ex ejus relatione supr. n. 596. & colligitur etiam ex *L. Prolatam. 4. C. de sent. & interlocut.* ubi dicitur: *prolatam à Preside sententiam contra solitum iudiciorum ordinarem, auctoritatem rei iudicata non habere, certum esse*; quo clare indicatur terminem esse de sententia *iudicio ordinario*; hoc enim exigit solitum iudiciorum ordinem.

Et ideo plures casus sunt, quibus licet, ac validè proceditur sine litis contestatione. 1. est in causis, quæ terminari possunt iudicio Summario, per Clém. 2. de V. S. 2. in causis notoriori; in his enim non exigitur solitus ordo iudiciorum, per c. 1. *ad nosfram. 2 i. de jurejurand.* 3. in causis de relaxatione captivorum; cum fiat iudicio tantum Summatio; 4. cum agitur de causis merè spiritualibus, vel matrimonialibus; Abbas in c. 5. Ut lité non contestata, de quo infra 1. tit. 6. quibus addunt alii causas fiscales, causas fractæ pacis: cum morā res est peritura, vel grave damnum emersurum: in alimentis decertendis: in causa spolii: in oppositione, & imputigatione examinis testimoniū: in petitione tertiae & quartæ dilationis: in executione sententiaz: in causa depositi.

Dubitatur tamen primò, an litis contestatio necessaria sit in iudicio appellationis? 2. restitutio in integrum? 3. an in quibusunque causis possessoriis? 4. an, cum imploratur officium Judicis? Loquimur autem de casu appellationis extra Cameram imperialem, ubi semper opus est litis contestatione in causa principali, sive ab interlocutoria, sive definitiva fuerit appellatum; quamvis in casu notoriæ nullitatis, ante litis contestationem pronuntiari possit, sive principaliter, sive incidenter deducta sit nullitas; sic Andr. Gail. *L. 1. observat.* 177. ex *L. 4 i. ff. famil. eriscunda*, quo posito:

Ad. 1. Resp. negative, si notoriè nulla sit sententia primæ instantiæ, etiam sine men-